

1983

KUALA LUMPUR, 1 JULAI (BERNAMA) -- ORANG-ORANG BERKEPENTINGAN YANG SERING MEMBUAT TAFSIRAN SECUCUK DENGAN KEPENTINGAN MEREKA DAN MENDAKWA BAHAWA TAFSIRAN MEREKALAH YANG BENAR TELAH MENIMBULKAN MASALAH DALAM PELAKSANAAN DAN SERAPAN PRINSIP DAN AJARAN ISLAM DALAM MASYARAKAT ISLAM, TEGAS DATUK SERI DR. MAHATHIR MOHAMAD HARI INI.

PERDANA MENTERI KESAL KERANA SIKAP MEREKA YANG SERING MEMBUAT TAFSIRAN NEGATIF DAN TIDAK MEMBANGUN DAN TIDAK PULA MEMBERI ALTERNATIF YANG MEMBANGUN TELAH MENJADIKAN ORANG ISLAM MUNDUR DAN DIHINA OLEH ORANG LAIN SEHINGGA MEREKA LEMAH.

"TAFSIRAN MEREKA INI TIDAK BOLEH DIANGGAP BENAR JIKA ADA TAFSIRAN YANG LEBIH POSITIF. JIKA TIDAK ADA TAFSIRAN YANG POSITIF MAKA PERKARA INI PERLU DIKAJI LAGI," TAMBAH BELIAU SEMASA MELANCARKAN OPERASI BANK ISLAM DI SINI.

BELIAU BERKATA OLEH KERANA RAMAI YANG MEMBUAT TAFSIRAN YANG TANPA PENGETAHUAN YANG CUKUP DAN JUGA KERANA MEMPUNYAI KEPENTINGAN-KEPENTINGAN TERTENTU, MAKA KEKELIRUAN BERLAKU DENGAN LUASNYA DI KALANGAN UMAT ISLAM.

BELIAU MENYEBUT BIDANG KEWANGAN DAN BANK DI MANA KEKELIRUAN ITU AMAT KETARA DAN KESANNYA IALAH ORANG ISLAM DENGAN MUDAHNYA DIPIBAH DARI KEKAYAAN YANG DIKURNIAKAN OLEH TUHAN KEPADA MEREKA.

-- LAGI 1427/LK

ZCZC B556:

No 2
↑
MAHATHIR-TAFSIRAN 2 KUALA LUMPUR

DATUK SERI DR. MAHATHIR BERKATA HARI INI TIGA PEREMPAT DARIPADA HASIL MINYAK NEGARA ISLAM DILABUR ATAU DISIMPAN DI NEGARA-NEGARA MAJU IAITU BARAT.

BAKINYA DIGUNA UNTUK MEMBELI BARANG DAN ALAT BUATAN ORANG BARAT TERMASUK KONTRAK BEKALAN DAN BINAAN RAKSAKSA YANG DIMENANGI OLEH ORANG-ORANG BARAT ATAU ORANG BUKAN ISLAM.

DARI BERATUS-RATUS RIBU JUTA RINGGIT HASIL MINYAK DI NEGARA-NEGARA ISLAM, MALAYSIA CUMA MENERIMA PELABURAN SEBANYAK DUA ATAU TIGA RATUS JUTA.

"PADA SATU HARI MINYAK INI AKAN KERING DAN KITA AKAN LIHAT NEGARA ISLAM DAN UMAT ISLAM SEKALI LAGI MERANA," KATA BELIAU.

"KITA TIDAK BOLEH SALAHKAN ORANG LAIN YANG KEADAAN INI BERLAKU. JIKA PADA HARI INI KEKAYAAN NEGARA-NEGARA ISLAM TIDAK BOLEH DILABUR DI NEGARA ISLAM, SEBABNYA IALAH KERANA KITA SENDIRI MEMILIH UNTUK MENYEKAT PERKEMBANGAN EKONOMI NEGARA ISLAM.

"KITA MEMILIH JALAN YANG MERUGIKAN INI KERANA PENTAFSIR AGAMA MEMBUAT PERTAMANYA, TAFSIRAN YANG SEMPIT DAN KEDUANYA TIDAK MEMBERI ALTERNATIF YANG BOLEH MENGGANTIKAN SISTEM BARAT-YANG MEREKA DAKWA TIDAK MENGIKUT KEHENDAK AGAMA ISLAM."

-- LAGI 1431/LK

MAHATHIR-TAFSIRAN 3 KUALA LUMPUR

↓
NO 3
SAMBIL BERKATA KEMUNGKINAN TAFSIRAN SEMPIT YANG DIBUAT ITU TIDAK SEBENARNYA MENEPATI AJARAN ISLAM, PERDANA MENTERI MENARIK PERHATIAN BAHAWA PENTAFSIR-PENTAFSIR AGAMA ISLAM YANG TERKEMUKA DAN DIHORMATI JUGA TIDAK BERSEPENDAPAT DALAM BANYAK PERKARA.

KATANYA, SEBAB ITULAH WUJUD BERBAGAI MAZHAB DALAM ISLAM SEDANGKAN DI ZAMAN NABI MUHAMMAD CUMA ADA SATU MAZHAB DAN TAFSIRAN.

"OLEH ITU TIDAK BOLEH DIKATAKAN BAHAWA TAFSIRAN YANG DIBUAT OLEH SEORANG ATAU SEKUMPULAN TETAP SAHIF TAFSIRAN-TAFSIRAN YANG LAIN JUGA BOLEH DITERIMA," TAMBAH BELIAU.

DATUK SERI DR. MAHATHIR BERKATA AGAMA ISLAM TIDAK DITURUNKAN SUPAYA MENYUSAHKAN ORANG ISLAM ATAU MENJADIKAN MEREKA MUNDUR DAN TERTINGGAL DI BELAKANG DUNIA INI.

SEBALIKNYA AGAMA ISLAM MEMBERI BANYAK KELONGGARAN SUPAYA ORANG ISLAM DAPAT HIDUP SEMPURNA, WALAUPUN KEADAAN SEKITAR MEREKA BERBEZA-BEZA DAN BERUBAH.

"DEMIKIANLAH TOLERANSI DAN KELONGGARAN DALAM ISLAM SEHINGGA TIDAKLAH MENJADI MASALAH KEPADA ORANG ISLAM JIKA MEREKA TERPAKSA ATAU MEMILIH UNTUK TINGGAL DI NEGARA BUKAN ISLAM ATAU DI KALANGAN ORANG BUKAN ISLAM."

LAGI 1437/LK

NNNN

ZCZC 0558:

MAHATHIR-TAFSIRAN 4 KUALA LUMPUR

NO 4
MALANGNYA, TAMBAH DATUK SERI DR. MAHATHIR, SEPANJANG SEJARAH ISLAM SELEPAS WAFAT NABI MUHAMMAD, TERDAPAT ORANG-ORANG YANG TIDAK PUAS HATI DENGAN KELONGGARAN YANG DIBERIKAN INI.

"BAGI MEREKA INI SUNATPUN, HENDAK DIWAJIBKAN DAN KELONGGARAN YANG DIBERI BERKENAAN DENGAN WAJIB, MEREKA KETEPIKAN DENGAN BERBAGAI ALASAN," KATA BELIAU.

MEREKA HENDAK SUPAYA TIDAK ADA TOLAK ANSUR LANGSUNG DALAM ISLAM DAN ADA DI ANTARA MEREKA YANG MEMBUAT HUKUM SENDIRI YANG INGIN DIPAKSAKAN KE ATAS ORANG-ORANG ISLAM YANG LAIN, JIKA TIDAK MAHU DIKECAM OLEH MEREKA SEBAGAI TIDAK ISLAM.

↓
MALAYSIA, TEGAS DATUK SERI DR. MAHATHIR, SEBAGAI SEBUAH NEGARA YANG AGAMA RASMINYA IALAH ISLAM DAN 53 PERATUS PENDUDUK BERAGAMA ISLAM, SUDAH TENTULAH PERLU MEMPUNYAI KEMUDAHAN-KEMUDAHAN BAGI UMAT ISLAM BERGERAK DALAM SEMUA BIDANG MENGIKUT LUNAS-LUNAS DAN PRINSIP-PRINSIP ISLAM.

MASALAH YANG TIMBUL DALAM USAHA MENGAMALKAN PRINSIP-PRINSIP DAN AJARAN TIDAK BERASAS KEPADA PRINSIP ATAU AJARAN ITU SENDIRI TETAPI BERASAS KEPADA TAFSIRAN DAN KELEMAHAN-KELEMAHAN MANUSIA.

-- LAGI 1444/LK

MAHATHIR-TAFSIRAN 5 KUALA LUMPUR

DATUK SERI DR. MAHATHIR LALU MENYEBUT TENTANG KENYATAAN AL-MALIK FAHD DARI ARAB SAUDI YANG BARU-BARU INI MENGESYORKAN SUPAYA PINTU IJTIHAD DIBUKA SEMULA KERANA DUNIA SEKARANG AMAT BERBEZA DENGAN KEADAAN DI ANTARA ZAMAN NABI HINGGA KE ZAMAN ABBASIYAH.

BERBEZANYA DUNIA SEKARANG DENGAN ZAMAN DAHULU AMATLAH KETARA DAN MEMPUNYAI KESAN KEPADA DUNIA ISLAM DAN ORANG ISLAM.

''SUNGGUHPUN PINTU IJTIHAD DIKATAKAN SUDAH DITUTUP TETAPI KITA TAHU RAMAI YANG MEMBUAT BERMACAM-MACAM TAFSIRAN SENDIRI BERKENAAN DENGAN KEADAAN ZAMAN MODEN INI, '' TAMBAH PERDANA MENTERI.

BELIAU BERPENDAPAT JIKA PADA HARI INI TERDAPAT RAMAI ORANG ISLAM DAN BEBERAPA NEGARA ISLAM MEMBELAKANGKAN ISLAM DAN AJARANNYA, DAN SETENGAHNYA PULA MENERIMA MARXISME DAN LAIN-LAIN IDEOLOGI YANG BERTENTANGAN DENGAN ISLAM, SEBABNYA IALAH KERANA ADA MEREKA YANG MUDAH MEMBUAT TAFSIRAN ISLAM YANG JELAS MENJADIKAN MASYARAKAT ISLAM MASYARAKAT MUNDUR YANG SELALU MEMINTA KEPADA ORANG LAIN.

''DALAM KEADAAN MARUAH SUDAH TIDAK ADA LAGI, ISLAM DAPAT DIPERKECIL DAN DIHINAKAN OLEM MEREKA YANG MEMANG TIDAK SUKA KEPADA ISLAM, '' KATA BELIAU.

''MEREKA INILAH YANG MENDAKWA BAHAWA AGAMA ADALAH CANDU MASYARAKAT DAN MEREKA INI JUGALAH YANG MEMPENGARUHI ORANG-ORANG ISLAM YANG SUDAH KECEWA SUPAYA MENOLAK ISLAM DAN MENERIMA IDEOLOGI-IDEOLOGI YANG ANTI-ISLAM''.

-- BERNAMA 1450/LK